

Dr. David Pettigrew-profesor, naucnik i aktivista: Veliki prijatelj Bosne i Hercegovine

Dr. David Pettigrew je specijalni gost Dvodnevnog seminara koji 5 i 6 aprila organizuje Bosansko americki institut za genocid i edukaciju (BAGI) u saradnji sa Bosansko americkom kulturnom asocijacijom (BAKA), Bosanskom bibliotekom Cikago (BBC), Islamskim kulturnim centrom (ICC), Bosanskim islamskim centrom (BIC), Northwestern Univerzitetom (NU), i ogrankom nacionalne organizacije mladih STAND.

Dr. Pettigrew je profesor filozofije na Southern Connecticut drzavnom fakultetu, clan IO BAGI-ja, Komiteta za usmjeravanje studija o genocidu na Yale univerzitetu, i Medjunarodnog ekspertnog tima Instituta za genocid Kanada.

Ono sto nas posebno vezuje za profesora Pettigrew je svojstvena profesorska, naucna zainteresovanost za genocid nad Bosnjacima (1992-1995), i njegova neposredna angazovanost na ukazivanju na akutne probleme u bosansko hercegovackom drustvu a koji su posljedice genocida i agresije na BiH. Dejvid je primjer da se moze biti u isto vrijeme profesor, naucnik i aktivista.

Profesor pise eseje (prevedeni na francuski i arapski) i predaje "Eticki odgovor na genocid". Kreirao je web stranicu za njegove studente "Ethical Responses to genocide" <http://home.southernct.edu/~pettigrewd1/index.html>. Studentima pomaze i usmjerava ih u formiranju vrednosnog, etickog stava tokom studija o holokaustu i genocidu u Bosni i Rwandi, imajući u vidu i filozofske premise Aristotela, Kanta i Levinasa. "The Key to My Neighbor's House: Seeking Justice in Bosnia and Rwanda" je knjiga koju preporucuje za ovaj predmet. Studenti citaju eseje Hasana Nuhanovica. <http://genocideinvisegrad.wordpress.com/2010/06/30/made-in-potrugal-hasan-nuhanovic/>, gledaju film "Welcome to Sarajevo," uce o procesu identifikacije zrtava genocida, i prate sudjenja na ICTY web stranici. Takodje, svojim studentima prikazuje njegov dokumentarni film.

"The Geography of Genocide in Bosnia: Redeeming the Earth"

Zajedno sa sinom reziserom, Johan Quickmire Pettigrew, snimio je dokumentarni film "The Geography of Genocide in Bosnia: Redeeming the Earth" koji je zasnovan na njegovom desetogodisnjem neposrednom naucnom istrazivanju u Bosni. Dejvid film prikazuje na fakultetima i konferencijama, a BAGI je imao ekskluzivno pravo da ga prikaze na komemoraciji genocida u Srebrenici, proslog 11 jula u BAKA. http://www.baginst.org/uploads/1/0/4/8/10486668/bagi_and_baca_final.pdf. Potresna je istina o unistenim selima, preko 1000 dzamija i drugih kulturnih institucija, koje su zamjenjene srpskim pravoslavnim crkvama, o ubijanju Bosnjaka, prisilnom protjerivanju 2 miliona Bosnjaka, 350 masovnih grobnica koje su do sada otkrivene. Dr. Pettigrew ukazuje na kreiranje genocidnog entiteta -Republika Srpska, u kojem, film sugerira, " geography of justice must respond". Mora se omoguciti Bosnjacima da zive i obnove svoje domove i svoju zajednicu. Price izbjeglica, prezivjelih, daju originalnost i upečatljivost ovom dokumentarcu.

Izvjestaj o lokalnim izborima u Srebrenici 2012

Profesor je takodje prezentirao svoj rad tokom letnjeg seminara koji organizuje Muzej u Potocarima.

Prošle godine je bio izabran od strane BiH za člana Međunarodnog tima koji je nadgledao lokalne izbore u Srebrenici. U svom izvještaju, između ostalog, citirao je moto kojim se eksponirala srpska politička stranka na izborima “ Srpska, kuca do kuće” (Serb, from house to house) koji predstavlja diskriminaciju i zastrašivanja ne-srpskog stanovništva. Pored toga, Srpska radikalna partija Vojislava Seselja i njegovo ime na tiketu za glasanje (iako se nalazi u Hagu optužen za zločin protiv čovječnosti i međunarodnog prava), nastavlja politiku koju je vodila tokom rata 1992-1995, do današnjih dana.

http://www.baginst.org/uploads/1/0/4/8/10486668/report-on-the-october-7-2012-local-elections-in-srebrenica_rev.12.22.pdf.

Unistavanje spomenika na groblju u Visegradu

Nedavno je profesor napisao pismo gospodinu Valentinu Inzko (protestu se priključio Kongres Bosnjaka Sjeverne Amerike, Institut za genocid Kanada i BAGI) i izrazio veliku zabrinutost zbog donošenja odluke Ministarstva za planiranje, gradjevinarstvo i ekologije Republike Srpske, da se u Visegradu unisti centralna Muslimanska memorijalna grobnica u kojoj su sahranjeni Bosnjaci, žrtve agresije i genocida . Na istom svjetom mjestu koji je u vlasti Islamske zajednice, u isto vrijeme dozvoljavaju se manifestacije ultranacionalista, izvršioaca genocida, i velika politika predsjednika Republike Srpske - Milorada Dodika. <http://www.baginst.org/denial-of-genocide.html>

Odgovornost za zaštitu od diskriminacije

Dr. Pettigrew će održati na jesen na Yelu predavanje na temu ”The Responsibility to Protect Those Vulnerable to Persecution in Post-Genocide Societies: The Case of Bosnia and Herzegovina”.

Na Dvodnevnom seminaru, 5. i 6. aprila, dr. David Pettigrew će govoriti o ovim i drugim oblicima diskriminacije i zastrašivanja Bosnjaka koje orkestrira Republika srpska, a čiji je cilj da se onemogući povratak izbjeglica u svoje domove. Ti slučajevi predstavljaju povredu fundamentalnih ljudskih prava i spadaju u kategoriju “zločina protiv humanosti” internacionalnog prava. Učesnici seminara će uputiti Resoluciju čiji će krajnji efekat biti ukazivanje na sustinu Republike srpske kao genocidne tvorevine, a koja je legalizovana Dejtonskim sporazumom. Ujedno se ukazuje da genocid još nije završen!

Rezolucija će se pozvati na postojeću “Doktrinu o odgovornosti za zaštitu” sa ciljem da se podstakne internacionalna zajednica, od Ujedinjenih naroda, Vasingtona, DC do OHR (The Office of the High Representative) da intervenisu, da zaštite Bosnjake i drugo ne-Srpsko stanovništvo koje je i danas žrtva diskriminacije u Republici Srpskoj.

Pozivamo vas da nam se pridružite : 5. aprila na Northwestern Univerzitetu u 4 sata poslijepodne, i u subotu, 6. aprila u BAKA/ ICC u Northbrook u 11.00 sati. Informacije o programu možete vidjeti na naslovnoj strani www.chicagoraja.net i BAGI-ja <http://www.baginst.org/uploads/1/0/4/8/10486668/plakatapril6.jpg>

Sanja Seferovic Drnovek, direktor, BAGI

www.baginst.org

Illinois Holocaust & Genocide Commission

www.hgc.illinois.gov